

Mònggòn mòngzòl we àngni March 2

Mòngzòl lòng wawe nò mònggòn vsvng rì dvpát mvdòng vchvk we tiq lòng ni íwe mvtaq vsvng rì tiqgò vrvm ò vko vkáng rì gò íe wanò vtoshì ràwe íe.

Mònggòn mòngzòl we àngni svng mònggòn rvpdoq taqkèní vsvng rìò lvpát mòngzòl lúnlím dang dvtú daqà we gò íe. We taq mòngzòl we tvrà dvpát vtù vrè we dang rì svng dvdámshì lvm shvdòm nò nùnggòn ziwe íe. Yadò íwe bvncht rì nò pvnvùn zidang rì vháng vlún lvm dang rì taq vgám dvzúr sháò we gò íe.

Móng vsvng rì mòngzòl dè ví lúnlvm dvpát nò we móng svng òpshòl we shòlshú vgo rìò bñlì dngjá tiqlòng gò ílonge.

Yani svng 2012 nòng taqkèní nùmlat mònggòn rvpdoq taq wá púngshì rái wegò íe. 2013 nòng March 20 ni taq mònggòn vsvng rì mòngzòl we àngni wanò mònggòn rvpdoq taqkèní mvsat shì bòi wegò íe.

Mònggòn rvpdoq nò mònggòn dng taq vlwe vsvng rìò lvpát mòngzòl lúnlím dvpát yani kaq svng mvsatā wegò íe.

Ya 2022 nòng mònggòn vsvng rì mòngzòl we àngni ò kà vgo nò dang (3) dang taq dvdám shì lúnlvm dvpaq dvgò shì we íe.

Nòt mvsòn rì svng shòm shòm wa gúshì lvm- dang vrvm taq nòt mvsòn rì shòm shòm wacè gúshì we nò nòtshòm dvbù dvzúr we ò vchvk àngké tiqlòng ni íe.

Zitnòt, rílnòt gúshì lvm- Yaklím shìwvt rì vhom shì rawe kvz zitnòt rílnòt kèní dāng lún we gò íe.

Dvsháza shóngnòt gúshì lvm- Àngmaq ò rà vchvk we dang rì vlé shìwe vsvng rì dvpaq shóngnòt egví shì. 2015 nòng taq mònggòn rvpdoq nò dvshà mvhòt we dang rì vmáng lúnlvm nvng nòngmaq vl ò we mònggòn svng roqgvv lvm dvzaqshì we dang pñvùn dvzaqshì we vháng vlún lvm dang manggá 17 dang svng gò dvkám nò dvtú vtnà. We manggá rì svng nò 2030 nòng taq dvgòm lúnlvm wanò dvdám shì we gò íe.

Mònggòn rvpdoq taqkèní mòngzòl we tvrà nvng vdá mvgàm lím wawe ìshòt rì dang svng mònggòn móngdàn vrvm kèní pvran dvzaqshì we íninò shvla we muqhóm jór nùnggòn tiqlòng lúshì lvm wa ílonge.

Mònggòn rvpdoq taqkèní mònggòn mòngzòl we àngni svng vpò shvringwe ku paqzí zùng rì, wulaq bñlì rì vng vsúyaaq rì tiqgò vrvm svng go ò nò mvngushì bòi wegò íe.

Mòngzòl dang ò vchvk we tvrà svng nò vsvng shvngbe í síngshá ìwe ínò nòngmaq shvngbe ò ni vrvm mòngzòl we tvrà svng vbvm shì sháò we bñlì rì svng yilshì lún ràwe íe.

Vsvng tiqgò mòngzòl lvm wawe nò àng vdè ò rvcvng shìwe bñlì tvrà taqni cvnwe gò íe. Àng vdè tiqgò mòngzòl lúnlvm dvpát àng vdè ò rvcvng shìwe tvrà taq wani cvn longwe íe.